



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 109. Protestantium audacia a Coloniensi Senatu repressa.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. fligarunt, paucis duntaxat fuga dilapsis: A. C. 1610. dein continuato victoriæ cursu Turciæ fines emensi prædivitem prædam abegerunt: Paulopost longe majori clade eundem Visirium afficiebant, cæsis Turcarum plusquam triginta millibus. Præterea die tertia Junii quinque Meliten-sium triremes sex Turcicas invaserant, ac tandem post atrox utrinque certamen expugnatis earum duabus præcipuis, reliquas tormentis misere convul-sas in fugam egerunt.

§. CIX.

Protestantium audacia a Colonien-si Senatu repressa.

*Merc. Gal-
lobelg. t. 6.
l. 3. p. 553.
& 581.*

Sub idem tempus Colonix die festo SS. Apostolorum Petri & Pauli P. Ambrosius Adekirchen Ordinis PP. Prædicatorum in Templo B. Virginis concionem habuit, sumptaque occasio-ne ex verbis S. Evangelii: *Tu es Petrus* &c. proposuit, quod omnes hæretici, cum Ecclesiam impugnare præsumpsissent, semper in hanc Petram impegerint: cum autem inter illos Lutherum quoque & Calvinum nominaret, Lubecensis quidam studiosus nomine Mænius secta Lutheranus in convitia prorumpens, publice exclamabat: *Mentiris scelerate Monache?* quo dicto e Templo

Templo auffugiens a nonnullis ex Au-
 ditoribus eum insequentibus, pro teme-
 ritatis culpa pugnis mulctabatur, ipse
 vero ira percitus Düsseldorfium toto
 pedum studio contendit, ubi impudenti
 mendacio inter suos spargebat, quod
 hic Concionator parricidium in Regem
 Franciæ perpetratum deprædicasset, ac
 multa in Lutherum & Calvinum eo-
 rumque Sectatores convitia effudisset.
 Hæc ubi rescivit Senatus Coloniensis
 nulla mora testes, qui integræ Concioni
 intererant, quamplurimos ad examen
 vocabat, qui una omnes interposita ju-
 ramenti Religione testabantur, quod
 ne ulla quidem mentio de Henrico Re-
 ge, ejusque cæde, nec etiam de Lu-
 theranis, præter superius relata, facta
 fuerit: Examinatur quoque ipsemet
 Concionator, qui acriter ad profiten-
 dam veritatem pressus, innocentiam
 suam non tantum verbis, sed etiam ex-
 hibita Concione sua ad verbum, prout
 eam pronuntiabat, conscripta egregie
 purgabat, moxque edita apologia Ca-
 lumniatores suos tam acriter insectaba-
 tur, ut ex hac mendaci fæce nullus
 omnino vel verbulum eidem unquam
 opponere ausus esset: Hæc autem om-
 nia Senatus in acta publica hoc adhuc
 anno relata Boissio Franciæ Regis Le-
 gato, qui mendaci famæ nimium cre-
 dulus

Sæc. XVII.
 A. C. 1610.

Sæc. XVII, dulus fidem adhibens inde offensus e-
A. C. 1610. rat, exhibuit, eaque ad Castræum Ma-
 rescallum aliosque primores Gallici exer-
 citus Belliduces, qui tum in Castris Ju-
 liacensibus erant, perlustranda transmi-
 sit, qui una omnes de rei veritate ple-
 nius edocti tam hujus Lutherani pro-
 tertiviam, quam iniquum ejusdem fig-
 mentum & calumniam detestati sunt:
 unde Senatus promulgato edicto de-
 clarabat, quod hic maledicus, si com-
 parere, factique sui rationem reddere
 detrectaverit, in perpetuum ex urbe
 proscriptus sit, constituto quinquaginta
 aureorum præmio pro illo, qui ipsum
 ad Senatum reducere posset: His om-
 nibus non obstantibus ejusdem farinae
 Author libri Gallici, cui titulus: *Mer-
 curius Gallicus, seu continuata Historia
 pacis &c.* anno sequenti Lubecensis ra-
 bulæ mendacium tanquam veram Hi-
 storiam suis commentariis inferere,
 pluraque Coloniensi Reipublicæ contu-
 meliosa addere non erubuit: verum
 Magistratus ad impudentissimum hoc
 commentum exhorrescens, cuncta, ea-
 que publica hujus rei testimonia Latino
 & Gallico sermone typis edi curabat,
 unacum luculenta adversus hujus Au-
 thoris fabulam & calumnias defensione,
 cui titulus: *Apologia Senatus Imperialis
 & liberæ Civitatis Coloniensis adversus ca-
 lumnias*

lumnias anonymi cujusdam Scriptoris Gal- Sæc. XVII.
lici, qui cædem Henrici IV. in eadem Ci- A. C. 1610.
uitate publice pro concione, suffragante Ma-
gistratu, laudatam, Et alia quædam falsa
de eodem Senatu in annalibus suis comme-
morat.

§. CX.

P. Guilielmus Balduinus ob conjura-
tionis suspicionem in Angliam de-
ductus, Et innocens
declaratus.

Jam ante obitum Elisabethæ Angliæ *Merc. Gal-*
 Reginæ P. Guilielmus Balduinus Je- *lobelg. l. c.*
 fuita natione Anglus Londini in carce- *Juven. hist.*
 rem, quem S. Birgittæ puteum vocant, *Soc. l. 13.*
 detrudebatur, ubi, ne se Sacerdotem *part. 5.*
 Anglum proderet, nonnisi Italica re- *pag. 174.*
 sponsa dedit, atque intermixtis aliquot *Alegambe*
 latinis vocibus inconditis ac barbaris *Bibl. Script.*
 personam adscititiam belle sustinuit, *Soc. p. 312.*
 tandemque uni e custodibus pecuniam *Jac. Franc.*
 pollicitus, liber evasit, in Belgium sece- *relat. Hist.*
 dens, cum vero in invidiam *putverariæ*
 conjurationis vocaretur, diu latere, ne *p. 7. Et. 203.*
 in Angliam raperetur, coactus est. De-
 mum securitatis studio hoc anno Ro-
 mam proficisci statuit: agnitus tamen
 in itinere, etsi peregrino habitu indu-
 tus esset, Franckendalæ captus, cate-
 nisque onustus a Friderici Electoris Pa-
Hist. Eccles. Tom. LIV. L 1 latini